

萬有文庫


第二集七百七種

王雲五主編

日蘇問題

吳友三編著

商務印書館發行



日 蘇 問 題

吳友三編著
孫錫麒校

現代問題叢書

編主五雲王
庫文有萬
種百七集二第

題問蘇日

究必印翻有所權版

中華民國二十六年三月初版

編著者 吳友三

校訂者 孫錫麒

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

(本書校對者曾仲徒)

編者例言

一 本書之作，旨在以客觀眼光，說明日、蘇之現勢。一切皆爲平淡之敘述，將日、蘇關係中之事實，陳於讀者之前，使讀者自爲判斷。

一 國際風雲，瞬息萬變，故研究國際問題之書籍，其取材務尙新鮮。本書資料大都取於雜誌報章，以時間而言，直至本年二月爲止，非敢自詡完善，要亦勉應閱者之需要已耳。

一 本書之作，係在去年八月開始，編者忙於雜務，作輟無常，故歷時半年始告竣事。書成，蒙孫寒冰、鄭學稼兩先生詳爲校閱，至深銘感。蘇繼卿、吳倬然兩先生，於此書之成，亦曾予以極大之協助，並此誌謝。

吳友三 二十六年二月二十日上海

目次

第一章 日俄關係之追溯

- 一 俄皇彼得之野心……………一
- 二 俄羅斯第一次之派使……………三
- 三 第一次疆土糾紛……………四
- 四 中日戰爭前後之日俄關係……………五
- 五 日俄戰爭……………九
- 六 日俄協定與滿洲之瓜分……………一七
- 七 日蘇關係之開幕……………二一

第二章 日蘇漁業糾紛……………三〇

一 日本漁業之北進……………三〇

二 蘇聯漁業之振興……………三五

三 日蘇漁業糾紛及其漁約之演變……………四三

第三章 邊境糾紛……………五八

一 「滿」俄邊境糾紛……………五八

二 「滿」蒙邊境之糾紛……………七三

第四章 中東路之糾葛……………八三

一 中東路之糾紛……………八三

二 售路之經過……………九二

三 蘇聯出售中東路之檢討·····	一二四
-------------------	-----

第五章 蒙古之爭逐·····	一三七
----------------	-----

一 蘇聯侵略蒙古之狀況·····	一三七
------------------	-----

二 日本對於外蒙之侵略·····	一四七
------------------	-----

第六章 日蘇軍備競爭及日蘇關係之預測·····	一五四
-------------------------	-----

一 蘇聯遠東軍之強化·····	一五四
-----------------	-----

二 日本軍備之擴充·····	一六三
----------------	-----

三 日蘇關係之前瞻·····	一七三
----------------	-----

日蘇問題

第一章 日俄關係之追溯

一 俄皇彼得之野心

俄羅斯位處歐北，氣候嚴寒，北冰洋終年冰雪，於貿易軍事，裨益毫無。彼得大帝（Peter the Great）中興，國勢漸盛，遂思得一不凍海口，以爲商業及海軍之出路。俄國欲求不凍海口，不外二策，一則打通裏海，以爭霸地中海，一則經營遠東，以稱雄於太平洋。俄國初意在裏海一路發展，然因屢受歐洲列強之阻撓，終未逞志，故不得不將目光移注遠東，以求在太平洋獲一出路。當時彼得之計劃有二，一爲太平洋之探險，二爲遠東航路之開發。彼得既有此雄圖，日本當然亦在其視野之中。但

彼得雖注意日本，而日俄最初之關係，卻由一偶然事件所造成。（註一）當初有一日本人名傳兵衛，居於大阪之淡路屋，於元祿九年（一六九六年），僱傭僕數人，乘帆船由大阪駛往江戶，中途遇風，飄流至堪察加海岸，爲出征中之阿特拉沙夫（Atlasoff）帶至俄國，逗留於西伯利亞一帶十有餘年，事爲彼得所聞，彼得深知經營遠東，非有熟諳日本言語之人材不可，於是召傳入京，先令其專心習學俄語，然後命礮兵大將亞契羅維徹（Alexander Archilovitch）及礮兵少將布萊因（Briggs）在聖彼得堡創設日語學校，以傳爲教授，招致青年學習。同時彼得以日語教授，僅傳一人，恐其死後無人爲繼，因又特令西伯利亞局轉命鄂霍次克地方官，將飄流於堪察加之日本人，再送一名至聖彼得堡，於此可見當時俄國對於日本如何注意。彼得死後，繼其志者有海軍中校斯班堡（Martin Spanberg）。他曾於一七三九年六月率隊至日本探險，出沒於日本之奧州及安房國海岸等處。故就十八世紀之日俄關係而言，俄國實處於主動地位。其所以不致引起衝突者，蓋由於兩國領土尙未如今日之密邇，且航術乏精，俄國縱欲東進，殊非易事。再者日本當時正處於閉關時代，其於俄國之行動，匪特不知警懼，抑且不明其用意何在也。

二 俄羅斯第一次之派使

俄國派遣正式使節赴日，以一七九二年（日本寬政四年）始。第一次奉派赴日者爲拉克斯門（Laxman）中尉。（註11）拉氏於是年十月二十一日抵日本北部，即登陸謁見駐運上屋之松前藩吏熊谷富太郎，申述來航理由，並要求在其停泊之根空灣度歲。熊谷富太郎請其將公文逕向松前藩廳投遞。當松前藩廳接受此項公文之後，又立即遣使將拉氏送至在江戶之藩主松前若狹守。松前藩主復將公文送至月番老中（官名）松平及泉守官邸。松平接到此項報告，即與閣僚、若年寄、三奉行等官會商，決定接見俄使日期，並派石川將監與村上大學二人爲宣諭使，前往蝦夷接見。次年六月二十一日，兩宣諭使與拉氏相晤於會所，拉氏始正式呈遞西伯利亞總督公文，請求接受遭難海員。兩宣諭使當即答以長崎以外各地不能接受外交上之公文，勸其馳往長崎直接接洽，並贈以白米百俵，大麥六十一俵，小麥二十七俵，蕎麥三俵，鹿肉六樽。拉氏遂於六月三十日拔錨而歸。八月二十四日返抵鄂霍次克。此爲俄國派遣第一次使節之經過。拉氏之後，又有萊沙諾夫（Leas）。

not) 哥羅文(Golovin)等之渡日。自此俄國之覬覦，愈見顯明，而日本亦漸知戒備矣。

三 第一次疆土糾紛

一八五八年英法聯軍之役，俄國迫我訂立愛璦條約，獲黑龍江以北大興安嶺以南之地。一八六〇年中，俄北京條約成立，俄又得烏蘇里河口以東之地。俄國東侵之志，於以大酬，而日俄疆土糾紛，亦因此而起。第一次糾紛爲庫頁島 (Sakhalin) 問題。庫頁島當時爲日俄兩國人民雜居之地，居民常起糾紛，俄國會數度提議劃界，均爲日本德川幕府所拒絕。後日本以俄人遷居其地者日衆，大恐反轉而向俄國請求劃界，俄國自亦報之以拒絕。同時俄國又將日韓交通要道之對馬島加以侵佔，且築兵營其上，藉以示威。日本幾經交涉，並藉英國之助，始克收回。一八七一年，日皇託美國公使致書俄皇，以北緯五十度爲兩國庫頁之界線。俄皇不允。嗣美國公使復建議由日本出資收買，而日本又不贊成。直至一八七五年，雙方繼續協商，結果千島歸日，庫頁歸俄。日俄第一次之疆土糾紛，於此始告解決。(註三)

四 中日戰爭前後之日俄關係

日本自明治維新之後，銳意經營朝鮮，當時朝鮮之宗主權，尚在中國，因此引起中、日之糾紛。當時英、美諸國，雖曾出而干涉調停，然均不如俄國態度之堅決。在日本出兵之前，駐東京俄國公使即首先詢問日外相陸奧宗光云：「近屢聞日本派出軍隊，不知敵果在何方。」此種帶有刺探性質之戲言，即足以證明俄國注意之程度。其時駐北京俄國公使喀西尼（Cassini）伯爵正奉命歸國，道經天津，李鴻章挽其懇俄政府調停爭議。俄政府因一面命喀西尼留津，一面令駐東京俄國公使向日政府勸告。俄使於一八九四年六月二十五日，謁見陸奧外相，略謂俄政府希望中、日爭議早日解決，若中國在朝鮮撤兵，日本可否履行同樣之舉動。陸奧則答以中國除退兵外，尚須允許以後與日本共同改革朝鮮內政，則日本方可退兵。俄使未得要領，復於六月三十日再晤陸奧，謂奉本國政府訓令，而交一個公文略云：「朝鮮政府已將內亂平定之意通告於駐劄該國之各國使臣，關於中、日兩國同時撤兵事件，求該使等之援助，因此俄國政府勸告日本政府容納朝鮮之請求。若日本拒絕與

中國同時撤兵，則日本政府應負重大之責任。』（註四）言下頗具恐嚇作用。陸奧接此公文，即與首相伊藤博文磋商，均認為此時實無容納其要求之可能，遂於七月二日將覆文送致俄國政府，其大意爲：

「貴國特命全權公使所送致之公文，至關重要，帝國政府（日本）已經深悉該公文中有朝鮮政府曾通告該國內亂已鎮定之意，於駐劄該國各國使臣云云。然據帝國政府最近所接報告，釀成此次朝鮮事變之根本原因，不特尙未芟除，即引起日本派遣軍隊之內亂，亦尙未絕跡。蓋帝國政府派出軍隊於該國，實屬對於現時形勢不得已之舉，決無侵略疆土之心。若至該國內亂完全消滅，將來無何等危懼時，當然將軍隊撤退。希望俄國政府本兩國政府間現存之友誼及信義，信賴帝國政府之保證。』（註五）

日本以此種不即不離之辭令，婉拒俄國之要求，俄國當然表示不滿。七月十三日俄使對於日本覆牒更致一公文與陸奧，略謂：

「日本政府之宣言，謂無侵略朝鮮之意，且擔保在該國內亂消滅之際，即行撤兵，俄國政府

於此認爲滿意，希望今後中日兩國政府間速開協議，早結和平之局。俄國雖爲鄰邦，實難袖手旁觀。俄國此次舉動，全出於免除中日膠轕之真誠，諸希諒解。」（註六）

此文表面上雖滿意於日本政府之宣言，而實則暗示其「實難旁觀」之態度。七月二十一日俄國復致牒於日本政府，其表示更爲露骨，略曰：

「日本現在對於朝鮮要求何事，俄國雖不得而知，然苟違犯朝鮮以獨立國資格與列強所訂之條約，則俄政府決難認爲有效。爲免將來無謂之糾紛，特此再向日本政府作友誼之忠告，並促其注意。」（註七）

此項牒文，乃解釋前次牒文「實難旁觀」一語之意義。俄國之所以「實難旁觀」，並非「全出於免除中日膠轕之真誠」，而實欲乘機在朝鮮獲取一分利益，以作他日侵略朝鮮之工具，此所以俄國愈出力調停，而日本之態度愈趨堅決也。

俄國調停失敗後，中日遂發生戰爭。戰爭結果，中國慘敗，訂立馬關條約。俄國政府非常震動，蓋恐日本佔領朝鮮，侵入滿洲內部，則俄國西伯利亞鐵路之發展，即將大受影響。且日本享有遼東半

島，即將以此爲根據，繼續發展，以影響俄國遠東稱霸之前途。於是極力糾合德、法而出干涉。一八九五年四月二十三日，俄國致一強硬通牒於日本政府，略曰：

『俄國皇帝陛下之政府，查閱日本向中國所要求之媾和條件，認遼東半島爲日本所有，不特有危及中國首都之虞，且同時朝鮮之獨立亦成有名無實，對於將來遠東之和平予以障害，因之俄國政府爲向日本政府重表誠實友誼，特勸告日本政府放棄遼東半島之佔有。』（註八）

陸奧宗光於接到此項通牒後，猶冀以外交手腕加以挽回。於是在四月二十五日致電駐俄日使西德二郎，囑其要求俄國念及日、俄多年之親善，對於此舉重加考慮，且保證日本將來雖永久佔領遼東半島，斷不危及俄國之利益；關於朝鮮之獨立，日本亦無論如何當使俄國表示滿足。但俄國態度堅決，不予容納，且調兵遣將，大有不惜以兵戎相見之意。日本鑒於俄國形勢嚴重，而乞援英、美，又未獲要領，因此不得不稍爲讓步，遂於四月三十日命西德公使向俄政府提出下列之通牒：

「日本帝國政府熟考俄國皇帝陛下之友誼勸告，且欲表彰兩國間親密關係，故於因馬關條約批准交換保全日本之名譽及威嚴後，對於追加下列條文於該約之中表示同意：（一）日本政

府對於遼東半島之永久佔領權除金州廳外完全拋棄，但日本與中國商議後，對於拋棄領土當定相當之償金；（二）日本政府於中國政府完全履行講和條約之義務前，於前述領土有暫時佔領以充擔保之權。」（註九）

日本之意，蓋欲一方面將永久佔有改為暫時佔有，以和緩俄國之要求，而另一方面，則要求中國予以巨大償金，使中國永遠不能還清，以遂其變相佔領之計。然於五月三日接西德公使之回電，俄國完全不能接受，其電中有云：『本使雖瀝滿腔熱血，痛論苦言，竟不能使俄國政府翻其初志。』於此可見俄國態度之堅。此時日本新戰之後，元氣未恢，遂不得不忍痛接受三國之要求，而拋棄遼東半島之佔領。此爲日俄大陸政策衝突之始，亦即其後日俄戰爭之伏機。

五 日俄戰爭

俄國自三國干涉成功後，即一意經營東方，設立道勝銀行，建築中東鐵路，繼又以德國占據膠州爲口實，強租旅順、大連，其野心之大，無與倫比。日本飲恨吞聲，無時不以俄國爲敵象，自英日同盟

成立，於是日本對俄作戰更具決心。一九〇〇年俄國以中國義和團作亂，乘機增兵滿洲。一九〇二年中國與俄國訂立撤兵條約，俄國分三期撤兵。是年九月，第一次撤兵期滿，俄國勉強依約實行，詎至第二次撤兵期屆，俄國不但不撤兵，反而向中國提出東三省不得租借或讓予他國，不得開通商口岸，不得聘俄國以外之人訓練軍事及經理稅務等條件，嗣以日、英、美三國反對作罷。^(註一〇)當時俄國內部於滿洲問題之意見分爲兩派：一爲緩進之大臣公開派，此派不贊成對日挑釁，當時如財政大臣威特(Witte)外交大臣拉姆斯獨夫(Lamsdorf)以及陸軍大臣克魯巴特金(Kuropatkin)均持穩健主義；一爲以俄皇爲領袖之祕密派，其中心分子爲俄皇親信樞密參贊畢澤布拉澤夫(Bejobrajov)及關東軍司令阿萊克塞夫(Alexieff)。^(註一一)上述之條件即畢阿二人所主動者。當此項條件爲中國拒絕之後，俄皇突以勅令授阿萊克塞夫爲遠東大總督，以主持遠東各省之鄰國外交事項，並指揮太平洋艦隊及所轄境內之軍隊。此舉不啻以中國之東三省爲其遠東殖民地。至此，日本不能復忍，乃正式致書俄國，請將日、俄在中、韓兩國之權利利益協商劃清。俄國勉強同意，於是日本外相小村壽太郎電訓日本駐俄公使栗野慎一郎令其對俄提出六條談判大綱：